

十朝东华录

康熙朝第三函

七册

王先謙敬編 周藩恭校

康熙十四年乙卯春正月辛酉諭兵部自逆賊吳三桂耿精忠告恩反叛浙江及江西袁州贛州等處綠旗官兵奮勇剿賊固守地

方深爲可嘉應卽議敘以旌其勞爾部連議具奏○浙江總督李之芳奏賊犯遂安縣圖絕金衢餉道總兵官鮑虎身先士卒敗賊

於花石嶺斬千六百七十餘名生擒僞副總兵都司各一名守備千總各五名賊據分水縣都司趙得勝等殺賊三百餘復分水縣

得旨嘉獎下部議敘○平南王尚可喜奏賊首黎化中陳九鼎等糾合逆逆李漢英聚眾萬餘犯連州經我兵擊敗逃遁仍復驢聚

大田頭塘清水等處以爲巢穴遊擊李有才等領兵進剿焚巢賊遁楚界下部議敘○贛江南陣亡守備戚世龍官廕○乙丑諭

禮部朝鮮國王李裨襲封以來殫竭忠誠克盡藩屏之職今聞濫逃朕心深爲憫惻可從優給與卹典於常例外加祭一次○江西

巡撫白色純奏閩逆王九萬敗遁後復犯會昌遊擊李天柱周球等敗之於湖城陣斬千餘生擒僞副將一名下部議敘○丙寅

李士正爲浙江布政使由福建調張登選爲浙江按察使由江西調丁思孔爲江南按察使由直隸調子故告病回籍內秘書院大學士

孫廷鑑祭葬諡文定 戊辰諭吏部禮部兵部平南王尚可喜航海歸誠勳猷懋著 太宗文皇帝嘉其勞績特賜王封及定鼎燕

京復能殫竭忠忱贊襄大業 世祖章皇帝知其夙篤忠貞昇以嚴疆重任鎮守粵東海氛甯靖百姓又安近因吳三桂耿精忠等

叛逆該藩益勵忠純克抒偉畧悉心籌畫數建膚功朕甚嘉焉 平優敘屢有俞旨前奏年老難以任事請以其子向之孝承襲王

爵已允所請今思該藩累朝勳舊功著封疆宜錫殊榮以酬懋績平南王尚可喜著進封平南親王卽令其子向之孝襲封尚可喜

以親王品級頂帶支俸示朕優眷之意廣東文武事務著尚可喜照舊料理其親王之寶亦暫行掌管向之孝統兵在潮著給與大

將軍印應行封典嗣部卽遵諭行 癸酉以佟養鉅爲廣東巡撫由布政使調○先是王輔臣叛 上遣其子繼貞往諭至是王輔臣留

其子繼貞遺原任郎中祝表正具疏自理委罪經畧莫洛 上復命祝表正齋敕往撫敕曰前據陝西督撫奏稱入川兵丁忽爾生

變念爾素性忠直朕所深知國家待爾寵渥非常必無負恩悖逆之事政特面諭爾子王繼貞前往宣布朕意恐爾尙懷疑懼又降

專敕於爾詳加開喻今覽爾奏變起情形皆由莫洛控取失宜軍心不服所致爾欲散潰軍具奏請罪爾之心迹無他朕已洞悉往

事一槩不究前諭甚明爾所屬官兵俱行寬宥照舊歸伍效用爾卽率領仍回平涼汛地照舊鎮守以固封疆莫洛標下原帶官員

已各免罪作何委用爾與總督酌量題補其餘兵丁願歸農者令地方官加意安插願在爾標充伍者與總督商酌補入務令得所

以副朕撫恤之意爾前功甚茂朕之待爾終始不渝其盡釋疑衷以圖後效果建殊勳佇膺恩賞○貝勒尙善等奏臣等正治攻具

取岳州賊凌濛三重復設陷坑木椿竹籤環布臣等欲移營前進又恐時當淫雨江水泛漲營壘前後悉皆被水且我船與賊船甚

近而荊河口又居我後賊據上流殊爲可虞臣當暫停進兵以俟機會報聞○江西巡撫白色純奏萬安縣乃贛南水陸咽喉之地

近而荊河口又居我後賊據上流殊爲可虞臣當暫停進兵以俟機會報聞○江西巡撫白色純奏萬安縣乃贛南水陸咽喉之地

近而荊河口又居我後賊據上流殊爲可虞臣當暫停進兵以俟機會報聞○江西巡撫白色純奏萬安縣乃贛南水陸咽喉之地

賊寇出沒靡常遊擊田振等敗之於西塘又敗之於韶口羅塘灣斬獲甚眾下部議敘○乙亥遣內大臣壽特侍衛桑厄思克諭祭朝鮮國王李熙諡莊恪封嗣子李焞爲朝鮮國王○定西大將軍貝勒董額奏將軍席卜臣都統赫業總督周有德等進取保甯紫營於蟠龍山分兵駐槐樹驛鄧嶺接應糧運爲賊所劫糧運阻絕十三年十一月撤回大營兵行至娘娘廟張飛廟槐樹驛屢遇賊兵邀路俱擊敗之署前鋒統領穆占率兵通道自漢中運糧至大兵始得食又擊敗賊於鄧嶺龍潭驛等處抵廣元聞王輔臣叛復自廣元回漢中其由東河小路撤回之二百餘兵爲賊所阻臣等酌留官兵守漢中親統大兵出棧道途經鳳縣留兵防守至鳳翔復量留護軍驍騎付赫業駐鎮隨率餘兵至西安但席卜臣赫業等兵勞苦已極馬匹鏑仗不能自辦請量行撥給得旨馬匹鏑仗行軍要需今席卜臣等兵既極勞苦見駐西安諸將帥酌量每人給馬二匹其鏑仗著動正項錢糧修辦○廣東廣西總督金光祖奏欽州遊擊王嘉賢進剿廣西逆賊周將軍黃都督等餘孽於王光山陣斬僞百總一名賊兵二百八十六名下部議敘○平南王尚可喜奏歸善縣淡水場土賊蔡宗明等竊發知縣連國柱都司陸光象擊敗之下部議敘○丁丑先是上諭議政王大臣等蘭州近邊要地應速遣兵駐守今保甯大兵已回西安達禮善巴圖魯兵亦將至西安其將西安見在兵每佐領下撥四五名以上令將軍阿密達副都統鄂克濟哈今代率赴蘭州剿禦逆賊並防階州文縣諸處令鄂克濟哈今代參贊阿密達連軍務尋大將軍貝勒董額奏蘭州固宜防守但保甯還卒鎗甲未備達禮善巴圖魯兵兼程而來恐難驟遣西安所恃以禦賊者賴有調來汝甯河南兵今將此兵發往備王輔臣由陳倉諸路斷我棧道自秦州平涼來偏深爲可虞上復諭曰今據報逆賊已偏蘭州若不遣兵速援賊將猖獗臨鞏被陷三邊一搖勢難倖定蘭州距秦州不遠我兵若往蘭州則秦州便可襲取而平涼諸賊亦可首尾夾攻阿密達等以文到之日即速赴蘭州保固三邊僉逆賊中道阻截即攻取平涼或奪路前赴蘭州其相機以行貝勒等速備馬匹器械給保甯回兵其達禮善巴圖魯之兵亦給與馬匹以備剿禦○戊寅江南將軍額楚奏賊犯饒州官兵擊敗賊眾獲船隻無算下部議敘○己卯浙江總督李之芳奏賊踞龍游蘭谿壽昌交界深山之內三縣駐防官兵連敗之於白馬黃塘源等處蘭谿知縣楊天機等敗賊於下盛村陣斬僞總兵一守備李和等敗賊於大堰頭仙洞等處下部議敘○辛巳湖廣總督蔡毓榮奏南漳縣點子龍虎等峒寨僞都司夏之琪等率兵民三千三百餘名投誠○揚威大將軍簡親王喇布奏江南財賦重地界接諸省宜增守兵今副都統蘇朗帥蒙古兵一千守池州署副都統額思赫帥滿洲蒙古兵守蘇州臣復以蒙古兵二百協守徽州將軍華善之兵以五百赴浙江三百取饒州見駐江南者僅蒙古兵四百臣所統兵不滿千請令將軍額楚等兵回駐江南上諭兵部額楚既抵江西不必引還令駐防兗州署副都統諾敏岳爾多率滿兵速赴安慶以備九江湖口窺伺之賊江南有警即順流應援簡親王統之京師滿洲蒙古每佐領撥驍騎一名令署副都統伊巴克圖馬爾濟哈率領漢軍每佐領撥二名令副都統郎化麟率領俱赴兗州將軍查哈太統之伊巴克圖等爲參贊兵到副都統孫承祖帥兗州所駐漢軍與諾敏等會於安慶至盛京已調烏喇兵七百名駐守其更

調盛京兵六百名赴京師○陝西總督哈占奏與安總兵官王懷忠敗賊於娘娘廟槐樹驛陣斬偽總兵王加玉等又至郿嶺攻破木城二座沿途連捷下部議敘○乙酉定西大將軍貝勒董額等奏與安兵變殺總兵官王懷忠臣等出示安撫仍移會前往與安副都統穆舒澤兵中途暫止 上命頒發敕諭付貝勒董額總督哈占宣諭官兵尋隨征總兵官董華上京告變 上諭據董華面奏王懷忠平日待下貪苛行事乖戾眾心不服以致激變朕以爾等曾隨征四川剿殺寇賊効力勞苦今貪卒之變出於萬不得已非夙圖悖亂者比是以未忍加罪特頒寬典嘉與維新已降敕大將軍貝勒總督宣諭今又令總兵官董華煽惑明布朕意將爾等從前罪愆悉行赦宥其各歸營伍剿賊揚功以圖後效勿懷疑懼以副朕寬宥之恩撫至意儻仍觀望稽遲或聽奸究煽誘之言妄行作亂則國有明法勿違噬臍之悔未幾哈占奏報論抵與安文武各官集兵民宣讀莫不歡呼叩謝 皇恩感激思奮眾心遂定○丙戌奉命大將軍康親王傑書奏隨征知縣姚啓聖守備何清等敗賊於諸暨縣楓橋錢塘等村進破賊寨又破賊方懋功等於合水地方前後殺賊數千陣斬賊首朱得福招撫偽總兵等官四十四員賊兵七千餘下部議敘又奏副都統馬哈達總兵官李榮陳世凱等大敗偽總兵徐尙朝殺賊千餘復永康縉雲二縣得旨嘉獎下部議敘○戊子先是定遠平寇大將軍安親王岳樂奏兵部移文令臣速取長沙但江西所在賊擾人心未定臣若帥師前往則江西兵單可慮今或進取長沙或先滅江西諸賊請旨遵行上諭岳州卒難攻取若不速取長沙恐賊復增守備先令分兵留守要害速取長沙至是岳樂又奏江西形勢爲廣東咽喉贛江南湖廣要衝見今三十餘城爲賊盤踞且醴陵道賊造設本城增僞總兵十餘人兵七萬操練三千堅守長沙萍鄉諸處臣若撤撫贛都昌防兵往長沙則諸處復爲賊有不撤則兵勢單弱不能長驅且廣東諸路恐亦多阻臣欲先平江西賊寇無創顧之變然後分防險要帥師前往 上諭逆賊吳三桂久據湖南奸宄乘勢竊發滇黔川閩遂爾淪陷廣西陝西逆孽猖獗湖南一隅誠賊根蒂四方羣寇所親望必速滅吳三桂底定湖南則各地小醜聞風自散今荊州兵未能渡江而岳州兵又難驟進王抵江西宜由袁州直取長沙一以斷賊餉道一以分賊兵勢一以扼廣西咽喉一以固江西門戶烏合之眾自當瓦解荆岳大兵即可乘機直進況甯羌告變川賊必通楊洪一賊窺我鄖襄擾我南郢侵我荊州後路揆其大勢進兵湖南斷不容緩且南方卑溼延至下月霪雨連綿大兵坐守日久不但戰馬多斃糧餉亦恐不繼是進取湖南不再計決矣王宜將江西要地速行整理稍有就緒即進取湖南勿得坐視致誤機會

二月己丑朔子致仕禮部侍郎查布海祭葬○辛卯 上至葦華城月祭 仁孝皇后○江西總督董衛國奏逆賊陳益後鳩合閩寇吳明光踞山肆劫石城縣文武官弁領兵剿殺斬陳益後下部議敘○振武將軍坤巴圖魯侍衛奏鳳縣賊拆毀偏橋設兵守險所運之糧不得入守鳳縣等關大嵩祝等以糧竭突圍而出又同知張九古來自秦州稱王輔臣部下王好文等截斷棧道 上諭前貝勒董額等至西安不即隨經畧取道秦州乃由棧道進託言馬瘠竟駐漢中致甯羌告變王輔臣回秦州時又不追躡剿殺急



回漢中及保甯兵旋僅留將軍席卜臣等守漢中親統大兵輒回西安知棧道險要不多設兵防致寇寇阻截俾廣元朝天等處復爲賊據皆董額等退縮遲延所致理應解職但正值臨敵仍令董額統兵往定平涼秦州諸處勿仍前逗留留軍機此行令貝子溫齊公緯克託將軍阿密達署前鋒統領穆占輔之如應分兵阿密達穆占給與將軍印坤巴圖魯侍衛帥兵開棧道以進漢中鄂善哈占量留官兵守西安就近有警卽行剿滅等語董額奏阿密達鄂克濟哈魯羅等代等將各處所謂官兵與京城西安兵共撥每佐領五名二月十四日率往平涼臣與溫齊緯克託穆占達禮善巴圖魯希福赫業胡禮布等將回自保甯之兵及達禮善巴圖魯所領兵亦添每佐領五名之數本月十九日率往秦州又撥滿兵防守潼關所餘兵合每佐領三名及鄂善所帶蒙古兵四百餘名付哈占鄂善副都統穆舒渾等守西安○丙申諭兵部陝西沿邊有路通山西汾州恐逆賊乘隙來犯投副都統鄂泰爲建威將軍統領自盛京調來兵一千名往駐太原防守汾州等處以一等侍衛吳丹爲署副都統參贊軍事調烏喇諸處兵一千名來京○丁酉定遠平寇大將軍安親王岳樂奏護軍統領桑遇復上高新昌二縣陣斬僞總兵朱一典謝以泰等前後殺賊萬五千餘生擒僞副將守備等官得旨嘉獎下部議敘又奏招撫江西僞官二十餘員兵三千六百餘名下部議敘○奉命大將軍康親王傑書奏夸爾大張所志往省運糧位至上虞縣遇賊方憑功奮勇進剿擒殺三百餘名下部議敘又奏僞總兵馮公輔從義烏縣遁跡武義縣附近諸山署前鋒統領希福等敗之於苦竹地方生擒僞都司何處儒等遊擊田萬候敗之於郭東地方殺賊五百餘原任知縣李經邦招撫人民六千餘名並下部議敘○庚子贈四川陣亡守備熊天福官○辛丑子故戶部尚書米斯翰祭葬諡敏果○奉命大將軍康親王傑書奏桃花嶺與縉雲偏近乃恢復處州要路耿逆僞總兵沙有祥屯處州踞嶺險要因遣副都統馬哈達總兵官李榮等率兵往攻毀柵而入降僞遊擊張漢舉殺賊五百餘遂逾桃花嶺乘勝復處州得旨嘉獎下部議敘○壬寅諭秦中兵民爾等皆朕赤子年來保固地方轉輸糧餉急公好義勞苦倍常朕心切軫念近因入川兵變人情惶擾一時無知刻毒去糧以圖倖免事起倉卒情可矜原今特布寬典予以自新其臨鞫不虔等處文武官員軍民人等凡有割辦去糧者一槩赦免不究官俱照舊供職兵丁各歸原伍百姓各安生理特諭○癸卯平南王尚可喜奏逆賊僞唐軍門犯樂昌總兵官張星耀等斬僞副將等十員擒斬千餘下部議敘○乙巳經筵講官擬定講章學士傅達禮進呈諡講章內舊稱頌之言雖係定例但凡事俱宜以實如秉主誠而御物體元善以宜民固已媲美三王躋隆二帝等語似屬太過著改奏○奉命大將軍康親王傑書奏賊從處州敗回仙居遵副都統伯穆赫林等領兵三路進正月二十五日至白水洋耿逆下僞鎮海都督林冲榮立十三營盤與我軍對壘穆赫林等親身率戰攻入第一座營盤諸軍繼進悉破賊營遂至仙居城下適賊會養性遣兵一千名同賊堅守城池屢招不降遂令署護軍參領額庫納等率兵於城西潛伏署參領齊林布等後陣助戰署參領神拜等各架雲梯三面攻城賊不能支開西門遁伏兵阻截盡行剿殺生擒僞都督僉事朱富等獲大小礮位二百五十八座及關防軍器無算仙居既復撥分兵進取黃巖得旨嘉獎下部議敘又奏參將

王國祥等破會義性下僞總兵胡雙奇於天峯寺殺賊六百餘下部議敘又奏遊擊田萬候破賊林惟仁於武義縣夏陽地方焚毀木城迨至宣平縣大王嶺有賊數千以大木城列陣對敵官兵三路夾攻破賊斬林惟魁等殺千餘級下部議敘○陝西總督哈占奏二月初五日賊犯蘭州撫標官兵通賊倡亂城陷巡撫花善奔涼州諭大將軍貝勒董額將軍阿密達等統領大兵分路進剿復秦州平涼掃除逆賊以定三邊總督哈占周有德鄂善巡撫杭愛張德地等協守西安等處速移會將軍席卜臣等堅守漢中相機進剿並密檄提督張勇總兵官孫思克陳福王進寶等整兵固守汛地前來夾攻○丁未浙江總督李之芳奏賊踞衢州近郊僞總兵葉念帶賊兵五千於南山一帶紮營爲賊運糧平南將軍賴塔密令總兵官王廷梅等分路衝殺連勝三陣殺賊二千餘焚毀賊巢餘眾奔潰下部議敘○庚戌上御經筵○奉命大將軍康親王傑書奏總理糧餉侍郎達都等招撫僞徽江伯王國賓僞總兵丁鎮等五百三十餘員兵一萬四千八百餘名下部議敘○丙辰湖廣總督蔡毓榮奏賊船往來長江狡謀叵測命候補副將華禪爲岳州水師副將設兵一千五百名尙之漣爲荊州水師副將設兵一千名各爲左右二營以資防禦○江西巡撫白世榮奏南贛總兵劉進寶敗賊黃土關又敗之橫嶺復龍泉縣得旨嘉獎下部議敘○是月免湖北武昌等七府去年旱災賦仍發粟賑之三月己未湖廣總督蔡毓榮奏叛逆楊來嘉犯南漳襄陽總兵官劉成龍擊敗之斬僞都司陳國俊焚賊屯糧逆眾盡遁下部議敘○陝西總督哈占奏遊擊田有木敗賊於邵陽之華村遊擊邵一仁敗川賊於興安鎮屬紫陽縣下部議敘○庚申先是貝勒察尼請分岳州每佐領兵二名發安親王軍前協定江西規取長沙湘潭會荊州岳州將軍三路並進上命順承郡王勒爾錦等公同速議安親王岳樂參酌具奏至是岳樂奏岳州兵來則臣進剿力厚即守江西亦屬有益上諭自岳州發兵至江西正值海警驚兩於王進剿之期又恐無及其停止遣發順承郡王勒爾錦等奏臣商之貝勒尙善據云江西兵已經停遣欲遣岳州身爲佐領三名令貝勒察尼都統巴爾布率赴荊州臣俟此兵到日即從義陵以下石首以上相機渡江上諭王及參贊大臣身在地方具陳機宜固當如議但入川大兵見以糧餉不繼退駐西安令我兵渡江之後萬一川賊乘梓東下侵犯荊州彝陵茅麓山賊又出襄陽諸處則我軍必致卻顧難以長驅王貝勒等皆朕懿親參贊大臣皆朕股肱今與賊相持可進則進儻有可虞南侯秋冬相機進取○揚威將軍阿密達奏二月二十七日副都統鄂克濟哈等敗賊於涇州城南擒斬僞總兵衛民舉等遂復涇州得旨嘉獎下部議敘○甲子諭奉命大將軍康親王傑書王前奏克取處州之後酌量前進又稱貝子治淳橋戰艦將次告竣旦晚由各路征剿逆賊分兵進取黃巖今台州浮橋成否已渡江否及王進兵之事與軍中情形若何浙江事勢若何王其一一奏聞尋傑書奏浙江大勢必俟舟師既至台寇已平再酌機宜共圖進取○命西安將軍佛尼勒爲振武將軍援漢中副都統德業立等守寶雞縣以疏餉道○江西巡撫白世純奏贛州賊固守老巢遊擊李天柱等分兵夾剿於黃潭地方陣斬逆渠陳魁等被賊二千餘下部議敘○乙丑大學士圖海等奏近來供應大兵恐有派累民間難履奉上諭禁止有司未能實心奉行應敕督撫嚴禁一應軍需不得私

派夫役不得先期拘禁征收錢糧正項外不得絲毫科歛民間詞訟除重情速審速結外其餘戶婚細事不得混准牽累無辜並禁衙盡作奸指公需索土豪惡棍魚肉善良庶幾安居樂業民不知兵得旨是命速行通飭○丁卯命杭州都統喇哈達赴康親王軍前贊畫其杭州將軍印務令副都統雅塔理署並令甯海將軍貝子以下及各將軍兵聽康親王便宜調遣○戊辰安徽巡撫靳輔奏饒寇侵犯祁門逆奔趙宗鼎內變有良禾司巡檢張行健在危城中被賊偏降不屈慷慨捐軀得旨著從優賜卹○己巳定遠平寇大將軍安親王岳樂奏二月十四日定南將軍希爾根敗賊於撫州四十里塘堡地方三月初二日賊自浙江衢州來犯撫州前鋒統領侍郎覺羅舒恕復敗之七里崗下部議敘○庚午定西大將軍貝勒董額奏臣等於二月二十八日統兵至鳳翔府之隴州離隴州四十餘里地方有逆賊偽總兵高鼎等聚眾四千在關山河岸立營拒守遂同署前鋒統領穆占西安將軍佛尼勒副都統達禮善巴圖魯分部官兵前進自巳至午賊尚未退都統赫業援兵助戰合力衝擊賊遂敗遁陣斬甚多乘勝追北復隴山關下部議敘○辛未以阿密達平涼失利調太原兵援陝西涇州○命都統畢力克圖為平逆將軍帥師赴大同調察哈爾兵入駐宣府大同一乙亥諭定遠平寇大將軍安親王岳樂王輔臣作亂陝西震動逆賊聚眾出仙霞嶺將逼衢州王抵江西日久應速滅賊進剿長沙今或俟平定建昌廣信後進兵或固守諸州地即行前進其速議密奏尋奏擬於本月二十六日進剿建昌廣信兩處稍得就理即進取長沙湘潭諸處○丁丑諭兵部三邊經調缺額官兵及標員宜更諱者聽提督張勇募補河西兵倒著總督哈占巡撫杭愛俟道路少通速行撥解其奏報由邊外鄂爾多斯地方設站傳遞今大將軍貝勒董額等已圍秦州將軍阿密達已進取平涼其令提督張勇巡撫花善總兵官王進寶等速取蘭州會員勒等協力夾剿以定臨鞏等處○授甘肅提督張勇為靖逆將軍加甘肅總兵官孫思克左都督西甯總兵官王進寶都督同知事平之日俱以提督先用○逆賊王輔臣遣賊陷定邊上諭兵部定邊係三邊咽喉要地其令總督哈占總兵官許占魁速發官兵赴甯夏同總兵官陳福併力進取○諭兵部甯夏總兵官陳福效力嚴疆勞績茂著屢次舉首逆札克篤忠員且其妻子家屬見在川中逆賊挾誘全無顧戀矢志不移深為可嘉著以見兼職銜升補陝西提督仍暫駐甯夏營總兵官專候平涼地方平定之後即赴該管地方料理提督事務陳福之弟守備陳奇妻子家口亦陷賊中深為可憫著從優以參將升用○己卯以保守甯都恢復石城功加江西效用左都督許貞太子少保○癸未以花馬池靖邊衛相繼失守命總督鄂善等各帥所部兵赴榆林協力剿禦再調四子部落等兵由甯夏榆林兩路前進連定地方○甲申子故廣東巡撫劉秉璋祭葬加祭一次並議勸○戶部議覆浙江總督李之芳奏浙省金衢台嚴紹等處賊寇屢經官兵征剿附從之徒漸已解散投誠甚多已飭行各地方官安集但不宜籌拯恤恐其別生事端應將浙省捐助銀米內酌量動支賑濟從之○乙酉廣東廣西總督金光祖奏賊犯懷集縣守備李如貴等督兵殺賊厄城獲全下部議敘○湖廣總督蔡毓榮奏三月初九日襄陽總兵劉成龍剿楊來嘉偽總兵官陳宗啓等於馬良坪殺賊毀巢下部議敘○丙戌甘肅提督張勇奏西甯總兵官王進寶於二月二十三日用

革袋結筏渡河大破賊軍於新城王輔臣下偽逆擊李廷玉等就擒乞赦陝督迅發大兵為恢復平鞏之計下部議行○陝西總督哈占奏慶陽賊攻邠州梁家堡固原總兵官朱衣客擊卻之斬偽參將吳進忠等下部議敘○子故承恩公白文選祭葬○丁亥初

緊哈爾布爾尼葉吳逆作亂謀劫其父阿布奈反日與其黨繕治甲兵從嫁公主長史辛柱陰使其弟阿濟根告其謀上以事尚未露不便遽加以兵欲遣人召布爾尼兄弟以覘虛實又恐其生疑乃奏 太皇太后遣侍衛塞棟等備召巴林王鄂齊爾兄弟翁牛特王杜楞兄弟及布爾尼羅不藏俱入京師已而諸王皆至惟布爾尼兄弟不來遂於三月十七日執侍衛塞棟約二十五日舉事長史辛柱率伊弟巴勒米特赴京奏聞從嫁公主諸人俱挈妻子奔回錦州奉天將軍倭內巴圖魯奏報命多羅信郡王郭札為撫遠大將軍大學士都統圖海為副將軍護軍統領哈克山副都統吳丹洪祿並為參贊帥師討布爾尼並諭奉天將軍倭內巴圖魯

魯甯古塔將軍巴海等固守盛京○奉命大將軍康親王傑書奏平南將軍賴塔等遣副都統喇哈胡圖總兵官王廷梅敗耿逆下偽將軍馬九玉等於衛州斬殺千餘下部議敘又奏官兵屢次剿賊逆渠馮公輔敗奔於宣平縣龍坑地方噶聚餘黨復行狂逞因追撫標遊擊田萬候等領兵進剿三月初三日至宣平前塢地方賊據險以拒我兵兩路夾攻擒斬百三十餘名遂抵宣平縣城外復由宣平馬口一路進抵大旗口馮公輔率賊眾伏於叢莽見我兵至殊死鬪自辰至午賊始敗北上山我兵追殺十餘里沿山蹙援而上至賊大寨賊向山上修造石城一座木城二座踞守見追兵至滾木礮石礮火齊下我兵奮勇衝鋒奪隘而入前後殺賊二千三百六十餘名擒偽都司徐之英等焚毀賊巢下部議敘○戊子命原任大學士巴泰仍以原銜入閣辦事○以熊賜履為武英

殿大學士由翰林院掌院學士遷夏四月己丑朔以勒德武為戶部尚書由吏部左侍郎遷塞色黑為刑部尚書由兵部左侍郎遷○定邊平寇大將軍安親王岳樂奏招撫江西奉新都昌冷日南湖西湖等處偽官九十一員賊兵一萬九千八百餘名下部議敘又奏署護軍統領伯郎肅副都統朱喇禪署副都統雅賴阿哈尼等統領官兵水陸進剿剿寇於五桂寨徐漢等處殺賊一萬餘獲船九百餘隻復餘千縣得旨嘉獎下部議敘○奉命大將軍康親王傑書奏耿逆下偽騎都尉連登雲由松溪龍泉偽總兵徐向朝由溫州兩路入犯處州副都統馬哈達三等台吉

察渾及總兵官李榮陳世凱等擊敗之擒斬偽參將陳亮等四十四員下部議敘○庚寅南甯總兵官陳福奏叛賊踞定邊花馬二城犯興武營遊擊熊虎等擊敗之斬偽遊擊雷普等下部議敘○日爾進撫花善奏西甯總兵官王進寶兵抵蘭州逆賊出犯王進寶擊敗之下部議敘○辛卯先是布爾尼既反遣人求助於土默特貝子凌濟斯札布凌濟斯札布凌濟斯札布道其三等護衛舍布來告上厚賚之仍令理藩院作書諭凌濟斯札布曰初長史辛柱首布爾尼負恩背叛朝廷正欲查其情實適貝子遣舍布來奏布爾尼於三月二十五日使護衛巴米說貝子同叛貝子即遣使奏聞復調兵為擒討計朝廷深為嘉悅今布爾尼逆狀既實貝子等可選良馬速率所部討擒逆渠厥功匪細應馬賚不堪馳聘亦宜各守地方大兵定於四月初六日自京啟行故豫令知之時察哈爾



鄰近部落王貝勒等知布爾尼反先後遣人來報 上命理藩院郎中馬喇員外郎塞冷赴該部落調兵又命理藩院作書如與敵

清斯札布書指○癸巳江西巡撫白色純奏屯壘都魯許良等招撫贛南賊石寨擒升三十一員賊眾一萬七千九百餘名下部議

敘○撫遠大將軍信郡王鄂札等啟行 上諭之曰大兵出山海關當宣布果朝待布爾尼厚恩及朕不忍加誅之意彼若悔罪來

歸則已否則以敕書付統還蒙古持往諭之即布爾尼等臨降來降亦當保全恩養今值蒙古馬瘦爾等速往毋違諭察哈爾布爾

尼敕曰長史辛柱奏爾舉動乖戾勢欲為亂朕初未信既而鄰近各旗王貝勒等相繼遣人告變朕猶疑之朕惟察哈爾遺亂覆亡

之後爾伯父額哲等受 太宗文皇帝殊恩封為親王國家於察哈爾不薄矣誠望爾子孫報效於世世不應及爾身而負恩叛國

也朕雖不遽以為實但告變者接踵而至念爾必惑於奸究之言抑或別有不得已之故耳故發大兵來問如有別情爾可明白奏

聞朕必赦爾罪愆仍敕風好爾受累朝恩養又為公主所生以至戚不忍遽滅故屢行曉諭若仍執迷恐貽後悔諭布爾尼弟羅不

藏敕曰爾當開諭爾兄布爾尼令其悔罪歸誠爾等以及子孫庶不失榮貴若布爾尼不悟恐以爾兄之故併累及爾爾果能率國

來者仍待以親親之道即以王爵封之必不食言爾為公主子於國為至戚故行曉諭其於大兵未至時向爾兄開陳利害速令請

罪以副朕不忍遽滅之意諭察哈爾爾眾敕曰爾等當向布爾尼申明利害彼若悔罪歸誠爾等亦獲福多矣朕以爾等為 太宗

文皇帝 世祖章皇帝懷柔之國不忍以布爾尼一人故遽加剿滅因此反復申諭若布爾尼拒諫不悛或擒獻逆渠或自行投降

朕錫以官爵俱加恩養斷不食言往時察哈爾大臣來歸者受恩隆重爾等共知勿於太平安樂時自取禍敗時布爾尼下佐領班

第略爾喀全垂札布下護衛索納木俱以他事在京會布爾尼垂札布反悉就拘禁 上特釋之令齎敕與大兵同往○奈曼王札

木山附布爾尼遷護衛巴地約喀喇沁多羅杜楞郡王札什同抵莊嚴之云科爾沁十旗及札魯特阿祿科爾沁烏朱穆素高齊奴

阿霸核諸部落悉起兵相應札什歸其使以無能謝之即具奏陳明心迹遣其護衛達喇世入告迫理藩院員外郎圖爾哈圖奉命

至其地札什出迎具述前情且云身蒙 主恩爵為郡王何敢同眾若止二旗為亂我力可支但恐應復者眾耳使臣不可久留

宜速回奏若出師宜從古北口行圖爾哈圖誌其故札什曰無多言但以是奏 皇上自能鑒察圖爾哈圖復欲詣敕漢部落札

什止之遂不果歸復曠日途中凡有訊問者但答云我等奉旨來召札什因其馬瘦不能赴京我等今仍回去圖爾哈圖還具陳如

札什指 上曰大兵眾多若由古北口則崎嶇難行且多帶紅衣礙具就延時日自應由山海關札什既不忘國恩凡得逆渠勒勒

即令遣騎具奏進後馳驛速來於是賜之敕書令達喇世齎往敕曰員外郎圖爾哈圖致王言具見懷誠王可率本旗兵固守地

方王又言大兵宜出古北口夫古北口石徑崎嶇大兵多且攜有火器恐致稽延今仍出山海關王宜不時密探凡有動靜即具奏

遣騎速奏○甲午轉舒恕為吏部左侍郎調折爾肯為吏部左侍郎管右侍郎事○轉納布為兵部左侍郎以郭四海為兵部右

侍郎○乙未逆賊王輔臣遣人持吳三桂檄札印投靖逆將軍張勇張勇斬其使以聞西甯總兵官王進寶出首王輔臣逆

上嘉之封張勇靖逆侯授王進寶一等阿思哈尼哈番○丙申先是命西安將軍佛尼勒率兵開棧道進漢中至是陝西總督

哈占奏仙逸關有賊三千餘奪蘭大焉視等兵不滿四百難以防禦又平隴關亦有賊三千餘竊踞華亭上諭仙逸關係通大兵

要路將軍佛尼勒親統官兵剿滅諸賊或令副都統德業立額布領兵赴剿其酌量速行○定遠平寇大將軍安親王岳樂奏招撫

江西銅鼓營強山東鄉餘千奉新等處偽官九十七員賊兵三萬三千三百餘名下部議敘○南海將軍傅喇塔奏三月初六日原

任廣東提督常進忠總兵官朱萬化率領水師自定海關出洋於沈家門等處剿賊大捷下部議敘○丁酉以內閣學士徐元文爲

翰林院掌院學士○戊戌以隨征左都督許貞爲江西撫建廣總兵官○己亥廣東廣西總督金光祖奏二月二十四日官兵復藤

縣得旨嘉獎下部議敘○辛丑以岳諾惠爲禮部右侍郎由左副都御史○理藩院郎中馬喇奏喀喇沁多羅杜楞鄂王札什云近奈曼

王札木山遷於察漢郭爾河布爾尼移營就之二人已合二旗外別無叛者上因賜札什御用盤甲以旌之○壬寅以福塔海爲

內閣學士由侍讀學士遷○甲辰奈曼札木山已附布爾尼使人招台吉鄂齊爾等鄂齊爾等遂率九佐領兵與其妻子奔敖漢尋復至喀

喇沁札什遣護衛黨西喇來奏論理藩院奈曼台吉鄂齊爾等不與札木山同謀率屬來歸忠貞可嘉侯事平日札木山王爵可與

諸台吉內承襲諸台吉或暫居敖漢與喀喇沁地方聽自便其奏事黨西喇從優授爲三等達爾漢世襲勿替未幾奈曼二等台吉

吳勒木濟同其母率所屬一佐領兵遷居土默特亦遣人來奏上亦優旨答之○乙巳以富鴻業爲內閣學士由翰林院侍讀學士遷○丙

午江西總督董倫國奏袁州土賊侵犯分宜萬載二縣遊擊楊正元等擊敗之袁臨總兵官趙應奎遣遊擊潘希聖等敗賊於油木

柵下部議敘○庚戌以郭不爲左副都御史由通政使遷○定遠平寇大將軍安親王岳樂奏四月初二日統兵剿賊於東鄉縣用雲梯

四面攻圍仍移檄曉諭偽副將林振及偽官五十六員領十一營一萬一千餘眾繳偽印偽札投誠速復東鄉得旨嘉獎下部議敘

又奏將軍額楚等於四月初四日率兵至饒州府萬年縣之石頭街擊敗逆下偽都督四萬餘眾五十七營斬賊五千餘級生擒

三百有餘下部議敘○辛亥諭起居注官學士傳達禮侍讀學士喇沙里朕向詣兩宮問安爾等起居注官常隨行記注朕思皆

定晨省問安視膳趨侍庭闈以盡孝道爲子孫者之恒禮嗣後朕詣兩宮問安時侍直官不必隨行又諭日講原期有益身心增

長學問今止講官進講朕不覆講但循舊例日久將成故事不惟於學問之道無益亦非所以爲法於後世也嗣後進講時講官講

畢朕仍覆講如此互相討論庶幾有裨實學○癸丑甘肅巡撫花善奏三月二十三日西南總兵官王進寶帥師克臨洮府甘肅總

兵官孫思克復靖遠衛得旨嘉獎下部議敘○陝西提督張勇奏西甯總兵官王進寶復金縣安定縣得旨嘉獎下部議敘○甲寅

定西大將軍貝勒董額等奏逆賊萬餘自四川來援秦州屯於南山臣等剿禦內外賊寇兵力單薄已令副都統額布率兵六百守

隴州副都統德業立率兵六百守仙逸關將軍佛尼勒率佐領下兵一名速來軍前請再將西安官兵酌量調發諭兵部貝勒董

額圖因秦州所關最重饒秦州可慮西安亦且難保今佛尼勒雖已調至而兵力尙單除荊州調往每佐領下兵一名外或西安兵

或附近汎兵令總督哈占鄂善等速撥五百名赴秦州並令總督周有德亦率所部兵星馳前來同貝勒等會剿賊寇侯擊敗川賊後貝勒等即著分官兵赴援漢中尋又諭漢中地屬緊要不必俟下秦州即應發兵赴援今令將軍鄂秦率駐防太原盛京兵前往西安至日總督哈占等以西安兵內馬肥者並酌分隴州寶雞兵俱付副都統德業立率往漢中其鄂秦建威將軍印留與署副都統吳丹代署如吳丹與平逆將軍畢力克圖軍合則用畢力克圖印吳丹爲參贊更自京師發每佐領下驍騎一名令署副都統一人率赴太原○江西總督董衛國奏參將劉體君等敗賊甯都縣參將色勒等敗賊羊石坳斬獲甚眾下部議敘○乙卯甘肅巡撫花善奏邊外蒙古前犯洪崖堡今又乘我兵進剿河東乃拆毀盟隘襲執官吏與官兵會戰永固城副將陳達戰歿上命甘肅總兵官孫思克加意防邊如蒙古仍行肆害卽率兵剿禦仍遣使往諭達賴台吉約束部落毋爲邊患會達賴喇嘛使至並予敕書使轉諭達賴台吉敕曰皇帝敕諭達賴喇嘛吳三桂初叛朕誦喇嘛大兵分路進討若吳三桂勢蹙投降喇嘛其卽執送續覽喇嘛奏云吳三桂背主負國人皆惡之不來則已來卽縛之以獻吳三桂會取結打木揚打木二城今已發兵攻取防守治邊若欲征兵深入惟候詔旨又言達賴台吉故居土伯特今遣居青海令其有事則相援無事則鈐轄其部屬朕思自太宗文皇帝世祖章皇帝至今遣使往來恩禮無閒喇嘛崇尙信義必如所奏而行故遂以達賴台吉等進兵滇省之故曉諭兩省及達賴台吉辭以松潘路險大進四川喇嘛又奏言蒙古兵力雖強難以進邊縱得城池恐其貪據且西南地熱風土不宜若吳三桂力窮乞免其死罪萬一鴟張莫若裂土罷兵吳三桂乃明時微弁父死流賊搖尾乞降世祖章皇帝優擢封王其子尚公主朕又寵加親王所受恩遇不但越絕朝臣益自古所罕有吳三桂負此殊恩搆毀殘民天人共憤朕乃天下人民之主豈容裂土罷兵但果悔罪來歸亦當待以不死今將軍張勇等奏達賴台吉諸部落入邊侵掠彼以王輔臣倡亂內地亦皆騷動故也今西陲晏然內地無事已下敕禁諭達賴喇嘛宜各守前言令其統轄部屬毋得生事擾民○丁巳撫遠大將軍信郡王鄂札奏臣等帥師往征察哈爾於是月二十一日次岐爾哈泰偵知賊屯達祿臣等以輕騎前進二十二日抵達祿布爾尼設伏山谷間悉眾列陣以待臣與副將軍圖海等分布滿洲蒙古官兵進擊懸山澗賊伏發控亂土默特兵我軍擊之盡殲焉布爾尼親領大隊擺列火器相拒我兵奮擊賊不能支遂大敗察哈爾下都統普津率其族於陣前降布爾尼復收潰卒接戰兩次我軍乘勝衝殺連敗之斬級甚多獲馬匹器械無算布爾尼兄弟僅以三十騎遁垂札布等亦皆散走二十三日臣等聞郡王留居瓦子府東三十里遣官兵迎歸布爾尼部下佐領五人兵三百餘名隨侍衛塞校來歸得旨嘉獎下部議敘○參領舒什蘭奏奉調宣府左翼四旗察哈爾鎮大同眾譁毀邊牆私遁上命散秩大臣韓爾濟杜爾麻等率八旗章京侍衛齎敕撫之曰昔察哈爾潰散時爾等祖父來歸太宗文皇帝論功賜與世職分隸八旗查爾哈齊以迄於茲吳三桂造亂調爾駐守地方今參領舒什蘭奏爾等不請所司遽行遁歸理應治罪但先將爾八旗察哈爾調發同官兵進征今又盡徵餘兵爾等或慮妻子牲畜無人養育馬又靡費難以從征以此亡歸其情可知今特行寬宥其各返故

伍如常母生疑畏昔額哲阿布奈被俘不沒入旗下爲奴收封額哲爲親王所部人員亦加撫賞亡國苗裔無功而施大恩若此古所希有阿布奈會有大罪又全其命以其子布爾尼襲封親王布爾尼不思報效背恩叛逃改命大將軍信都王兵討於是月二十二日大破之於達祿壘殲其眾科爾沁等諸部王貝勒貝子公台吉等俱以布爾尼罪大惡極起兵圍剿恐爾等不知此情妄惑流言陷於罪罟故特賜曉諭○戊午散秩大臣綽爾濟等奏臣等至張家口詢問更據云是月二十七日察哈爾兵至鄂西奚地方將御馬廠並諸大臣牧馬人役附近旗下蒙古婦女牲口盡行掠去及臣等至齊濟地方遣一等侍衛阿南達等前進遇察哈爾被俘四人遂擒以歸其言亦如之臣等欲覓將被擒送往恐此輩無知不體 聖意將詔旨大畧錄寫即行擒來二人肅送精奇尼哈番阿玉席等復遣二人傳諭被掠人眾 上諭兵部察哈爾兵狂悖如此應發兵防禦其援內大臣員勇修國海爲安北將軍率兵往鎮宣府令護軍統領傑毅副都統恰塔偕往以敬秩大臣綽爾濟杜爾麻爲署都統並復參贊○總理浙江糧餉戶部侍郎達都奏黃巖總兵官鮑虎擊敗馬九玉下僞總兵吳林等於汪家橋下部議敘又奏紹興府知府許宏勛等招撫僞總兵兵已廷編僞侯吳興賢等及兵丁五萬七千八百餘名下部議敘

五月庚申 上至鞏華城行

仁孝皇后期年致祭禮○辛酉

上回宮○撫遠大將軍信都王鄂扎等奏

上命科爾沁和碩額駙沙津率所屬五旗兵會剿布爾尼達祿之戰沙津失期未預因至札噶特境壁於責勒蘇特會布爾尼兄弟逃奔山後知沙津兵

至因使科爾沁從嫁二人送經不藏妻並告以戰敗欲逃之故旋羅不藏妻沙津妹也沙津於是留其妹率兵至山後圍之布爾尼

豫遁羅不藏云布爾尼去矣余來乞命沙津曰爾欲乞命當招爾兄來遂遣三十騎同往經不藏亦遁走更遣其副都統布達里潛聞於其兄沙津兵內有孟克者追及之爲布達里刺死沙津怒身率兵追射羅不藏與布達里皆死蓋窮追布爾尼明日及之布爾尼十二騎併力拒戰沙津盡射殺之得旨沙津感累朝厚恩親統所屬馳追布爾尼兄弟斬之克繼祖父忠貞深爲可嘉大兵凱旋日著議敘奏○諭撫遠大將軍信都王鄂扎等聞向日所調左翼察哈爾駐紮烏府者今毀邊牆私遁恣爲寇盜直趨獨石口此輩或止知察哈爾變亂不知我兵戰勝察哈爾及額駙沙津射殺布爾尼兄弟之事欲往助彼未可知也其巴林翁牛特敖漢喀喇沁土默特諸路兵皆調征布爾尼其妻子在家備叛卒經過劫掠深爲可虞今察哈爾事平大將軍等可諭令諸王貝勒台吉等率兵速回各守境內叛卒一到卽爲剿除我兵定於五月初六日速往追剿爾等其傳諭諸部知之○諭兵部本月初四日太監劉忠傳奉 太皇太后諭旨慈寧宮內庶妃有母九十餘歲同其兄薩林地尚在察哈爾處聞之深爲憫惻軍前可弗加撓掠朕欽承諭旨仰見 太皇太后仁慈已極敢不敬副 聖懷爾部卽速行文彼處如伊等陣亡則已或存一二或全未傷殘卽行收管其家產亦勿致散失交與內務府所管莊頭解送來京○定遠平寇大將軍安親王岳樂等奏臣等進取建昌四月二十五日抵長興賊將邵連登等率賊八萬餘水陸迎敵臣與將軍希爾根等分布官兵擊敗之斬獲甚眾遂復建昌得旨嘉獎下部議敘○揚威將軍

內大臣阿密達等奏副都統鄂克齊哈等於甯州近城東山擊敗賊眾斬俘副將張三僞參將王廷譽擒殺八百餘人復甯州得旨嘉獎下部議敘○癸亥議政王大臣奏布爾尼反既伏誅其父阿布奈見禁盛京應立新妻郡主歸伊父安親王其子於年前正法女入官得旨阿布奈改爲立終餘依議○甲子諭議政王大臣等昔察哈爾遭亂覆亡 太宗文皇帝收集家義編爲整旗懋有年所今布爾尼背恩作亂實僭渾額津噶爾馬色冷輩匪類致之其餘官民毫無干涉此皆 太宗文皇帝撫育之人朕甚憫焉凡投歸軍前或投入鄰旗及潰散者其令大將軍鄂札副將軍圖海等議速行收集作何應養另奏請旨○議政王大臣等議從嫁公主諸人經布爾尼之亂產業蕩盡請量留數戶守公主祠其餘悉令還京內原隸入旗者仍歸本旗佐領原隸內務府者仍歸內務府得旨義州爲邊陲要地從嫁諸人停止還京俱著披甲著長史辛柱管轄鎮守○浙江總督李之芳奏賊屯衢郡隔河各路窺犯遊擊高祿等敗賊於大埂余村守備李和龍等直抵上路原賊巢生擒僞總兵終國英等外委都司張文福等敗賊於峽口等處金協副將牟大寅等敗賊於湯溪及周窠地方湯溪守備劉君明等敗賊於黃塘下部議敘○雲南貴州總督鄂善奏遊擊李師膺擒殺韓城縣令聚眾爲亂犯邵陽署奪蘭大鄂爾博什等擊敗之下部議敘○陝西總督哈占奏慶陽逆寇入三水縣知縣林廷泰被劫防守把總趙英四川督標隨征都司張虎臣率領民兵擊敗賊寇救回縣令保全倉庫人民下部議敘○乙丑撫遠大將軍信郡王鄂札等奏教布爾尼造亂者阿雜里喇嘛僧額渾津噶爾馬色冷布達里破翁巴達里已呢喀特等爾爾昭噶爾馬薄托和也布達里破翁巴達里已呢喀爾此五人與布爾尼兄弟同死陳特爲亂兵所殺噶爾馬薄托和等或死或逃尙無的耗其子女皆在卓禮克圖親王處阿雜里喇嘛僧額渾津噶爾馬色冷亦爲卓禮克圖親王解送軍前候旨處分得旨阿雜里喇嘛等悉於軍前正法其叛人妻孥賞給有功官兵未幾鄂札等奏阿雜里喇嘛諸叛逆之子及近族兄弟俱在科爾沁其僧額渾津之弟尼塔爾當布爾尼未敗卽投科爾沁卓禮克圖親王處侯卓禮克圖親王解到日俱行正法家產妻孥入官得旨尼塔爾既於未被布爾尼之先投入科爾沁著免死勿分其產○己巳以陝西西安布政使吳努春爲太常寺卿○議政王大臣等奏察哈爾布爾尼兄弟背叛授首理應懸示額駙沙津爲國效力應行優敘邊外率兵協助之諸王貝勒貝子公台吉等侯大將軍信郡王旌師之目一併議敘獻布爾尼首級之昂阿爾住爾應授爲三等達爾漢世襲罔替賞給蟒服銀幣鞍馬同來土謝圖親王之頭等護衛綽石希等亦分別賞給得旨布爾尼首級本當懸示但念係公主所生之子朕心不忍布爾尼並羅不藏俱令收葬於公主墳傍餘如議○奈曼達爾漢郡王札木山附布爾尼作叛勢窮自縛請罪議政王大臣等議札木山法無可赦妻孥應沒入官得旨札木山東身請罪從寬免死革去王爵仍留家口牲畜令其自給○甲戌命山西河東守道彩駐平陽雁平巡道改爲守道兼管大同府屬糧餉事○先是議政王大臣等奏據貝子傅喇塔報稱侯提督常進功師自甯波到日令其護守浮橋卽自率兵渡江取黃巖時下風信未順舟師不能遠至恐需時日以致師老且大兵俱集貝子所故虛耗王兵單未能進聞今安親王恢復建昌廣信諸郡若乘機進取建甯則



仙霞賊勢必分貝子應量留兵防守餘兵悉令康親王統轄賊匪仙霞若賊併力拒守則安親王乘虛而入建甯必破如此兩路夾攻得一路克捷便可剿滅閩賊上命康親王安親王詳議以聞至是康親王傑書奏甯波舟師不能至台州已回定關近攻小梁山又不能克台州兵止三千餘不宜輕調處州見有賊警金華兵力單弱似難驟進閩疆若安親王進取建甯果能分仙霞賊勢臣豈敢坐失機會按兵不前安親王岳樂奏長興賊已剿滅建昌賊亦解散見調將軍額楚副都統席布兵撲滅廣信之賊如令臣下廣信由分水關取建甯則當分兵留守建昌親統兵前進如令臣由杉關取福建即當分兵留守廣信由杉關前進上諭時方炎暑安親王酌留官兵固守建昌等處率大軍暫回南昌義馬侯秋涼或取湖南或攻福建俟旨以行額楚席布等應速平廣信賊隨分水關陽爲前進賊仙霞後路斯時康親王即令將軍賴塔等兵攻取仙霞或康親王兵與額楚等兵兩路並進夾攻江山縣賊寇二王宜速爲聲勢以赴機會○陝西總督哈占奏慶陽賊眾突圍長武縣城欲劫運送涇州糧米差擊許靖國等督率民兵保全城池適因原總兵官朱衣各副都統覺羅奎代統兵救援滿漢大兵前後截殺逆賊大敗生擒偽副將南文炳下部議敘○贛廣東陣歿副將黃相官○乙亥以早命大臣理刑獄○丁丑浙江提督塞白理奏賊犯天台副將秦宏猷等大敗之紫雲山參將馬化龍等敗賊慈谿斬賊渠楊四和尚等焚毀賊巢下部議敘○戊寅甯南靖寇大將軍順承郡王勒爾錦奏據都統范達禮報稱逆賊五六千絡繹來犯南漳楊來嘉洪福二逆兩路齊出臣隨界都統宜理布討逆將軍印並遣副都統根特統兵前往旋報穀城失守又昇貝勒察尼諾寇將軍印率兵赴援上諭既以貝勒察尼爲將軍率兵赴援即令統轄襄陽諸處官兵速滅南漳穀城賊寇平定地方又襄陽要地宜設重兵其令汝州副都統塞格率所部兵星赴襄陽安慶署副都統諾敏副都統孫承祖各率所部兵赴汝州駐守○己卯上親弘德殿講官喇沙里孫在豐張英進講孟子道性善節上曰人性之善無分賢愚止在勉強行之董仲舒有言事在強勉而已矣強勉學問則聞見博而知益明強勉行道則德日起而大有功此誠爲學之要也○庚辰察哈爾左翼四旗歸順○命將軍畢力克圖率師赴榆林同總兵官許占魁協力平定延安諸處以護軍統領傑毅協領覺和託爲署副都統同參贊軍務副都統怡塔鎮大同以副都統吳丹爲建威將軍鎮太原召內大臣佟國綱回京尋延安級德等處陷賊榆林危急許占魁請援又遣其子許登隆至京言狀上復命畢力克圖分兵付覺和託速赴榆林畢力克圖率兵繼進○辛巳以孟古爾代爲陝西布政使由鄂○癸未定遠平寇大將軍安親王岳樂等奏將軍額楚等四月初九日復萬年縣十三日副都統巴爾堪等復安仁縣署副都統公優統總兵官趙應奎等屢敗賊眾於礪石嶺白水山口等處破賊巢穴擒斬無算得旨嘉獎下部議敘○奉命大將軍康親王傑書奏招撫偽參謀葉存忠偽總兵韓六台等一百六十餘員兵一萬九千餘名下部議敘○甲申靖寇將軍甘肅提督侯張勇等奏爲總兵潘瑞偽副將曾文耀竊據洮河二州番人乘隙肆掠臣等兵至河州會文耀先遁又遣土官楊朝樞攻洮州潘瑞敗走復洮州河州二城番人營服歸巢得旨嘉獎下部議敘○丁亥陝西總督哈占奏固原鎮標遊擊趙元輔等率兵赴甯州屢敗逆賊於

東河雖無家坑等處參將楊宗道率兵敗賊於甘泉又鳳縣逆孽勾引川賊犯寶雞縣之棋盤宮天王村滿漢官兵疾趨撲滅逆賊大敗斬偽都司李玉國等擒偽總兵劉偶三下部議敘

閏五月戊子朔諭兵部奏省城疆重地軍務方殷靖逆將軍侯張勇忠勤懇著謀略優長久鎮西陲莫安疆宇近復躬履行開殲心籌畫屢敗賊眾恢復城池志期殲滅賊渠底定素隴朕甚嘉之凡用兵籌餉一切機宜必須專其責任而後可以整飭軍紀齊一眾心以收蕩平之績所屬地方總兵官有故違節制不聽調遣者許即指參副將以下有臨陣退縮殺良冒功者聽以軍法從事其文官自道員以下儘有遲誤緊急軍需者會同巡撫據實題參務令克專壯猷早奏膚功以副朕委任至意○庚寅陝西提督陳福奏逆賊朱龍大肆猖獗臣於三月二十日自甯夏統兵駐靈武遣官兵復惠安州州定理三堡至興武營會合蒙古索諾慕貝勒下各台吉兵馬圍困花馬池遣兵前赴定邊擒斬偽參將等殺敗賊眾下部議敘○辛卯甘肅巡撫花善等奏我兵圍蘭州賊領馬步兵千餘出東門西甯總兵王道寶按察使伊圖等奮勇鏖戰自辰至午進東門賊城陣斬偽參將大敗賊兵下部議敘○壬辰甯南靖寇大將軍順承郡王勒爾錦等奏賊兩路出犯南漳均州與我兵對壘邇來虎渡口諸處賊船日增聞吳逆身在松滋聲言渡江與我兵戰且欲決隄水灌荊州使我岳州大兵不得援剿今吳三桂既犯荊州餘賊或犯他處亦未可料賊勢甚熾我兵力單請給發滿漢官兵赴援上責之曰初聞吳三桂叛即發大兵遣前鋒統領碩岱都統巴爾布護軍統領伊爾度齊率前鋒護軍日給芻秣令其疾馳巴爾布等至荊州時賊尚未至常德德州也所率前鋒護軍每佐領下五名兵力不為弱矣乃不急渡江耽延遲誤而常德澧州遂叛王親率大兵至荊州又不即渡江進取致令吳三桂一至而常德等處遂為所據都統朱滿率兵至武昌時岳州長沙猶未叛也又不急趨鎮守迤迤武昌六百里之程行遠一月而岳州長沙又陷巴爾布等畏懦不前幸失險要使逆賊從容得據守湖南致我兵難以攻取且糜費糧餉倍於他處究之寸步不能前進因賊渠與我精兵相持荊岳開而廣西孫延齡福建耿精忠遂相繼變叛賊寇蜂起又前諭王云荊河口以內何處宜設兵防守王疏稱賊船上下江中俱取道荊岳易以偵知俟自事之時就近調遣可以立至今復稱吳三桂來犯荊州餘賊或從他路出賊眾我寡特請增兵何前後舛錯一切軍機忽略至此今禁旅邊發已多縱發亦難驟至時方盛夏賊或冒死渡江亦未可知應調附近官兵星馳赴援今安親王復建昌大兵已回南昌江南徽州又有滿洲蒙古兵鎮守其合駝池州署副都統蘇朗率蒙古兵一千至武昌換兵五百速赴荊州安親王或由甯州入湖南或由袁州進長沙其便宜以行既而簡親王喇布奏江西賊寇窺伺池州請處上乃命蘇朗止以蒙古兵六百行至日合武昌滿洲蒙古兵仍足一千速赴荊州○吏部題請逆將軍甘肅提督侯張勇出首逆賊吳三桂偽劄今又恢復河州洮州為國效力克盡忠誠應將伊子一品官廕生張雲翼從優以大四品京堂用從之○癸巳上幸玉泉山觀禾○甲午甯南靖寇大將軍順承郡王勒爾錦奏賊犯均州將軍宜理布等兩次擊敗之陣斬偽副將參將等及賊兵千餘下部議敘○理藩院題達爾扎貝子遣吳把西台吉率兵於

巴牙木虎避口殺敗逆賊又統領二十六員台吉會同榆林官兵復隴州進靖二堡下部議敘○乙未甯南靖寇大將軍順承郡王勒爾錦奏松滋縣北山吳三桂復添四營沿江一帶賊船日增恐水陸齊犯荊州彝陵亦未可定 上諭荊州彝陵等處關繫緊要

著將軍貝勒察尼酌量留兵令都統宜理布范達禮防守襄陽均州南漳等處察尼親統餘軍速赴荊州再令駐防河南汝州署副都統諸敏等率所部滿洲漢軍星赴襄陽○刑部左侍郎覺羅阿範以病乞休允之○丙申子故禮部侍郎岳岳諾惠祭葬○以軍興

停陝西乙卯科鄉試○子陝西陝西守備王相浙江死事武義知縣徐詰官廕○江南總督阿席熙奏土賊勾引浮梁逆寇來犯發

湯遊擊張元品等三路攻剿擊賊聚下部議敘○丁酉浙江總督李之芳奏逆賊屯紮前嶺各路賊巢互相應援臣與平南將軍

都統賴塔達正白旗參領巴雅思呼朝參將趙得勝於五月二十四日至南塘萬壽前嶺等處分路衝殺擒斬偽都司千總等下部

議敘○戊戌以額星格為禮部右侍郎由左副都御史遷○己亥江西總督董誥奏衛國奏樂平諸處逆賊乘間來犯復陷饒州 上命安親王

岳樂速回南昌固守疆界居中調度分兵收復饒州○壬寅以伊圖為甘肅布政使由按察使遷○癸卯撫遠大將軍信郡王鄂札副將

軍都統大學士圖海等征滅察哈爾班師凱旋 上率在京王貝勒大臣迎勞於南苑之大紅門 上御黃幄鄂札等行禮畢諭曰

王將軍諸大臣遠行征討滅察哈爾國立大功深可嘉悅俱著近前行抱見禮復諭凱旋大臣章京及冒刃效力軍士以上俱進

前坐賜茶復命副將軍圖海 御幄侍坐問以戰陣之事 上曰軍士此役奮勇效命遂滅叛國立奏凱旋朕心甚悅八旗冒刃效

力軍士以上朕欲面問遂令次第至 御幄前一一徧問畢 上自南苑回率在京王貝勒大臣及凱旋王大臣等詣 堂子行禮

回宮○甲辰奉命大將軍康親王傑書奏賊三路犯處州都統喇哈達等於十八都石塘石佛嶺等處三次敗賊復松陽縣得旨嘉

獎下部議敘○乙巳左翼四旗察哈爾兵皆感 皇恩願立功自效 上因命察哈爾兵赴河南府駐防恐其難以鈴束復令每旗

出驍騎五十人副都統冀圖統領前往○先是歸併察哈爾之喀爾喀公垂札布附布爾尼反台吉託伊等率四佐領兵奔科爾沁

及布爾尼敗垂札布無所歸投誠軍前議政王大臣等議普垂札布之父根敦貧不聊生無以自立於喀爾喀納款來歸 皇上優

禮之擢為上公俾贍養於察哈爾為附庸是以得延至今布爾尼反垂札布不卽以狀聞反附逆助戰逮敗遁無歸始率屬乞降請

革垂札布爵所屬人口分給入台吉台吉託伊等既豫投科爾沁卓禮克圖王請留其職銜人口應歸何旗伏候敕旨 上命併託

伊等佐領於土默特滾濟斯札布餘依議○丙午陝西提督陳福奏臣統兵會同索諾慕貝勒下各台吉兵馬圍花馬池賊朱龍等

來援城內賊眾從北門出犯我兵兩路擊剿擒斬偽都司王一龍等下部議敘○戊申轉鄂爾多為刑部左侍郎以郭丕為刑部右

侍郎由左副都御史遷○己酉以巴錫為陝西布政使由按察使遷○授長史辛柱二等阿達哈哈番其弟阿濟根地沙喇哈哈番巴勒米特地沙

喇哈番品級敘首告察哈爾布爾尼謀叛功也○庚戌增湖廣荊州府江防同知○先是甯南靖寇大將軍順承郡王勒爾錦奏五

月初五日賊犯穀城縣城失守提督李胡拜陪賊副將馬朗阿總兵官金世需劉文奇楊茂烈俱退走 上諭穀城失守提督李胡

拜陷賊副將馬朗阿總兵官金世需等並皆退奔國家軍令素嚴未嘗有此馬朗阿等何以不願提督遂自退歸范達禮駐襄陽去

穀城甚近何以事前不爲豫備臨事不相應援今當大兵四出軍令豈容寬縱員勒察尼速勘密奏至是察尼訕訕上聞 上命斬

馬朗阿以徇革金世需劉大奇楊茂烈職令擊賊自效○定遠平寇大將軍安親王岳樂等奏副都統喇禪等領兵於武富縣擊

敗賊眾斬首二千餘墮河淹死者無數生擒偽守備等都統覺羅盡特等克新城縣生擒偽遊擊許定國得旨嘉獎下部議敘○辛

亥以王令爲廣東按察使由驛○王子定遠平寇大將軍安親王岳樂奏將軍額楚等進取廣信沿途敗賊復萬年等縣前至弋

陽賊將蔣德宏率兵五萬以木石斷西南橋於城北樹木柵爲九壘爲總兵柯昇以五千人自廣信來援別立六營額楚同土默特

都統巴雅爾等分布滿洲蒙古官兵擊敗之斬賊二萬餘隨進兵抵廣信賊已遁去遂復其城得旨嘉獎下部議敘○陝西提督陳

福奏臣率兵圍花馬池屢敗賊逆賊來化勢急遂降花馬池平下部議敘○平南王尚可喜奏近因饒平失守逆賊朱繼率黨屯湖

寮廖雲率黨來屯白喉劫擄村寨平南大將軍向之孝同提督嚴自明遣兵於大埔縣地方擊敗逆賊陣斬偽參將生擒偽遊擊等

連陽遊擊吳標連州知州李黃於連州大獲古樓山水坪石馬坪等處兩敗逆賊李化龍沈九珠等廣州府屬之龍門增城從化

與惠州屬之博羅河源長甯等縣內公莊路溪錄崗馬鞍陳禾崗諸處向爲土賊淵藪悉行剽劫今突犯龍門臣遣副將盧光明等

於龍門等處擒斬賊眾八百餘招撫千餘下部議敘○陝西提督陳福奏逆賊陳彭覬知臣恢復花馬池定遠逆賊突犯靈州漢伯

等堡臣檄遊擊熊飛等於大沙井灘奮勇殺賊陣斬偽參將馬騰蛟等下部議敘○平南王尚可喜奏虎門副將李印香等於碣石

白沙湖等處敗賊燒燬賊船百餘隻下部議敘○靖遠將軍甘肅提督侯張勇等奏賊據蘭城自知勢危狂突西南總兵王進寶等

率兵分路堵戰賊大敗入城俘斬甚眾遊擊丁顯俊千總錢中科奮不顧身致被礮箭傷亡得旨在事有功人員事平議敘遊擊丁

顯俊等作何恩卹著議奏○先是廣東廣西總督金光祖奏梧州懷集知縣李雲龍積勞殞命如侯事平議敘則婦孺孤兒久待可憫

縣病故例無恩卹其有軍功者侯事平議敘得旨總督言知縣李雲龍著有功次積勞殞命如侯事平議敘則婦孺孤兒久待可憫

其更議之於是部議李雲龍係旗人其旅觀及家口應護送歸旗請飭督臣給以水陸夫船再給正項銀一百兩以資孤寡後不爲

例從之○癸丑奉命大將軍康親王傑書奏參將裴天祿原任武義知縣李經邦等於宣平武義二縣大王嶺東隴隘口上套塞下

五塘等地方屢敗賊眾招撫偽官一百三十餘員賊兵萬餘下部議敘○乙卯以達哈他爲左副都御史由通改○丙辰廣西巡撫

陳洪明奏僞總兵李梅友踞蒼梧臣遣遊擊陳汝德統水路官兵前往斬賊千五百餘招撫偽弁三十三員焚燬賊寨二十餘所下

部議敘○以軍興停湖廣乙卯科鄉試

六月癸亥諭禮部帝王紹基垂統長治久安必建立元儲懋隆國本以綿宗社之祥慰臣民之望朕荷 天眷誕生嫡子已及二齡

茲者欽承 太皇太后 皇太后慈命建儲大典宜卽舉行今以嫡子允礽爲皇太子爾部詳察應行典禮選擇吉期具奏○以莽